

俗也少穀寄田疏勒莎車

無雷國王治盧城去長安九千九百五十里戶千口七

千勝兵三千人東北至都護治所二千四百六十五里

南至蒲犁五百四十里南與烏秣北與捐毒西與大月

氏接師古曰捐毒即身毒天篤也本皆一名語有輕重耳衣服類烏孫俗與子合

同

難兜國王治去長安萬一百五十里戶五千口三萬一

千勝兵八千人東北至都護治所二千八百五十里西

至無雷三百四十里西南至罽賓三百三十里南與婁

羌北與休循西與大月氏接○劉奉世曰按婁羌小國最近陽關去長安六千里